

# ԺԱՄԱՆԱԿԻՆ ՀԱՄԱՔԱՅԼ #24

ՄԱՐՏ 2017

«NEW GENERATION»  
Humanitarian Non-Governmental  
Organization



«ՆՈՐ ՍԵՐՈՒՆԴ»  
Մարդասիրական Հասարակական  
Կազմակերպություն

«Ժամանակին Համաքայլ» ամսագիրը պարունակում է տվյալ ամսում «Նոր Սերունդ» Մարդասիրական ՀԿ-ի կողմից իրականացված գործունեության համապարփակ նկարագիրը:



**ԹԵԺ ԳԻԾ**  
**+374(0)60378989**

Մեր ծառայություններն են՝  
Իրավական՝

- Իրավաբանական խորհրդատվություն
- Իրավական փաստաթղթերի ձևակերպում
- Քաղաքացիական և քրեական գործերով դատական ներկայացուցչություն
- Ռազմավարական դատավարություն Առողջապահական՝

- ՄԻԱԿ-ի վերաբերյալ նախաբեստային և հետբեստային անալոն խորհրդատվություն

- Անալոն ՄԻԱԿ-ի թեստավորում և ՍԿ հետազոտություն

- Պահպանակների և լուբրիկանտների տրամադրում  
Տեխնիկական աջակցություն՝

- Տարածքի տրամադրում հանդիպումների և միջոցառումների կազմակերպման համար

- Սոցիալական աջակցություն անապահով ընտանիքներին



- Խորհրդատվություն ԶՀԿ-ների և աջակցություն ենթադրամաշնորհների տեսքով

**Բոլոր ծառայությունները անվճար են:**

## ՌԵՍՈՒՐՍ ԿԵՆՏՐՈՆԻ ԱՊՐԻԼ ԱՄՍԿԱ ՄԻՋՈՑԱՌՈՒՄՆԵՐ

Անգլերենի ակումբ  
 Բարեգործական ծրագրի մշակում (հանդիպում-քննարկում)  
 Սեռականություն, տրանսգենդերություն, ինտերսեքս (դասընթաց)  
 Մեդիտացիայի օր  
 Գույնզգույն խոհանոց՝ պատրաստում ենք ինքներս  
 Մարդու իրավունքների ակումբ

Ապրիլ 13 / 20 / 27  
 Ապրիլ 05  
 Ապրիլ 07 / 12  
 Ապրիլ 15  
 Ապրիլ 22  
 Ապրիլ 26



✉ Հայաստան 0002, ք.Երևան, Թումանյան 41, բն. 4  
Apt.4, 41 Tumanyan str. Yerevan 0002, Armenia

☎ +374 60 378989  
+374 60 478989

✉ [newgenerationngngo@gmail.com](mailto:newgenerationngngo@gmail.com)  
🌐 <http://ngngo.net/>



2017 թվականի մարտի 1-ին «Նոր Սերունդ» Մարդասիրական ՀԿ-ում տեղի ունեցավ

անգլերենի անվճար դասընթացի առաջին պարապմունքը, որը անցկացրեց «Նոր Սերունդ» Մարդասիրական ՀԿ-ի աշխատակից Նարե Հովհաննիսյանը:

Դասընթացը նախատեսված է անգլերեն սովորել ցանկացող սկսնակների համար: Դասընթացը շարունակելի է, որը կտևի 2 ամիս, ամեն երկուշաբթի և չորեքշաբթի օրերին, ժամը 18:00-ին: ՆԱՀԿ գրասենյակում:

Երկու ամիսների ընթացքում մասնակիցները ծեռք կբերեն անգլերենի բազային գիտելիքներ: Առաջին պարապմունքին ներկա էին 10-ից ավել մասնակիցներ:


**«Սեռականություն և տրանսգենդերություն» դասընթաց**

2017 թվականի մարտի 3-ին «Նոր Սերունդ» Մարդասիրական ՀԿ-ի գրասենյակում տեղի ունեցավ «Սեռականություն և տրանսգենդերություն» թեմայով սեմինարը: Սեմինարն անցկացնում էր Էվան:

Քանի որ կազմակերպության կողմից LQAP+ և SUS-ների շրջանակներում անցկացրած կարիքների գնահատման արդյունքում պարզ էր դարձել, որ վերը նշված սեմինարը շատ պահանջված ու արդիական թեմաներից մեկն է, ուստի բոլոր մասնակիցները մեծ ոգևորությամբ ու հետաքրքրությամբ էին մասնակցում սեմինարին:

Սեմինարի ընթացքում Էվան մասնակիցների համար լուսաբանեց, թե ինչ է սեռականությունը, դրա կոմպոնենտները: Խոսվեց սեռական կողմնորոշման, գենդերային ինքնության ու գենդերային արտահայտման ձևերի և ինտերսեքսի մասին: Այնուհետև քննարկվեց մտավոր ու ֆիզիկական առողջության և տրանսգենդերության փոխկապակցվածության մասին:

Մասնակիցները լրացրեցին թեստ, որը նախատեսված էր պարզելու համար, թե ինչքանով էր սեմինարը արդյունավետ և հազեցած նոր տեղեկություններով և գիտելիքներով:



**«Ինչպե՞ս արձագանքել ատելության խոսքին օնլայն տիրույթում» թեմայով հանդիպում**

2017 թվականի մարտի 4-ին «Նոր Սերունդ» Մարդասիրական ՀԿ-ի գրասենյակում տեղի ունեցավ «Ինչպե՞ս արձագանքել ատելության խոսքին օնլայն տիրույթում» թեմայով հանդիպումը, որը անցկացնում էր լրագրող Արման Ղարիբյանը:

Մասնակիցները խոսեցին այն մասին, թե ինչ է ատելության խոսքը, վերջինիս դրսևորումները օնլայն տիրույթում, արժե արդյոք արձագանքել ատելության խոսքին ու եթե արժե, ապա՝ ինչպե՞ս: Քննարկվեցին մասնակիցների առաջարկած յուրաքանչյուր տարբերակները, թե ինչ բովանդակությամբ է ավելի նպատակահարմար արձագանքել ատելության խոսքին:

Այնուհետև մասնակիցներն առաջարկեցին ստեղծվել «Ընդդեմ ատելության խոսքի» նախաձեռնող խումբը, որը պետք է պայթարի յուրաքանչյուր ատելության խոսքի դեմ: Խումբը նախ կորոշի թե՛ տվյալ գրառման մեջ կա արդյոք ատելության խոսք թե՛ ոչ, լինելու դեպքում պետք է ընտրել համապատասխան մեթոդներ և կատարել աշխատանքի բաժանում:

Մասնակիցները շատ ոգևորված էին ու ցանկություն հայտնեցին նմանատիպ հանդիպումներ հաճախակի կազմակերպել:

### *Հանդիպում Տղամարդկանց Առողջության Եվրասիական Կոալիցիայի /ECOM/ ներկայացուցիչների հետ*



2017 թ.-ի մարտի 8-ին «Նոր Սերունդ» Մարդասիրական ՀԿ-ի գրասենյակում տեղի ունեցավ հանդիպում «Տղամարդկանց Առողջության Եվրասիական Կոալիցիայի» [/ECOM/](#) ծրագրերի ղեկավար Ելենա Գերմանի և իրավական հարցերով շահերի պաշտպանության մասնագետ Յուրի Յուրսկիի հետ: Հանդիպման սկզբում «Նոր Սերունդ» Մարդասիրական ՀԿ-ի նախագահ Սերգեյ Գաբրիելյանը ներկայացրեց ՀԿ-ի ստեղծման պատմությունը՝ անդրադառնալով ՀԿ-ի առաքելությանը, որդեգրած ուղղություններին և նպատակներին: Ծրագրերի մասին խոսելիս Ս. Գաբրիելյանը մասնավորապես շեշտադրեց այն խոչընդոտները, որոնց ՀԿ-ն առերեսվում է հասարակության կամ տարբեր պետական կառույցների կողմից ԼԳՏՊ+ անձանց նկատմամբ առկա անհանդուրժողականության մթնոլորտի պատճառով: Այնուհետև ՀԿ-ի ծրագրերի համակարգողներ Նարե Հովհաննիսյանը և

Արտյոմ Մովսեսյանը խոսեցին ԼԳՏՊ+ անձանց իրավունքների պաշտպանությանը և SUS անձանց շրջանում ՄԻԱԿ-ի կանխարգելմանն ուղղված ծրագրերի մասին՝ մասնավորապես կարևորելով ԼԳՏՊ+ և SUS անձանց իրավունքների և շահերի պաշտպանության ոլորտում ՀԿ-ի ձեռքբերումները: Իսկ ՀԿ-ի աուբրիջ աշխատողները խոսեցին SUS անձանց հետ աշխատանքի առանձնահատկությունների և արդյունքների մասին: Հյուրերը հետաքրքրված էին այն ուսումնասիրություններով, որոնք «Նոր Սերունդ»-ը նախաձեռնել էր՝ բարձրաձայնելու համար ԼԳՏՊ+ անձանց նկատմամբ առկա ատելության խոսքի դրսևորման պատճառների և հիմնական ոլորտների, տրանսգենդեր անձանց սեռափոխության կարիքների և իրավական կարգավորումների խնդիրների մասին: Այնուհետև «Տղամարդկանց Առողջության Եվրասիական Կոալիցիայի» [/ECOM/](#) ծրագրերի ղեկավար Ելենա Գերմանը ներկայացրեց SUS անձանց ՄԻԱԿ-ի կանխարգելմանն ուղղված ծառայությունների Ուկրաինայի փորձը և ECOM-ի ստեղծման պատմությունն ու նպատակները: Հանդիպման ավարտին ECOM-ի իրավական հարցերով շահերի պաշտպանության մասնագետ Յուրի Յուրսկին անցկացրեց սեմինար «Սեռականություն և տրանսգենդերություն» թեմայով՝ հատկապես շեշտը դնելով ինտերսեքս անձանց առնչվող խնդիրներին իրավապաշտպանության ոլորտում:

## *Տուրիզմ, տուրիզմի հիմունքները թեմայով դասընթաց*



2017 թվականի մարտի 10-ին «Նոր Սերունդ» Մարդասիրական ՀԿ-ի գրասենյակում տեղի ունեցավ 4 հանդիպումից բաղկացած սեմինարի առաջին դասը «Տուրիզմ, տուրիզմի հիմունքները» թեմայով, որն անցկացնում էր «Միացյալ ուղի» Բարեգործական ՀԿ-ի նախագահ, տուրիզմի մասնագետ Սևան Շիրվանին:

Խոսվեց այն մասին, թե ինչ է տուրիզմը և որն է նրա էությունն ու կառուցվածքը, տրվեց տուրիզմի սահմանումը, քննարկվեցին նրա ձևերը՝ ներքին, ներգնա ու արտագնա, մանրամասն բացատրվեց

տուրիզմի տեսակները և թե այդ տեսակներից որոնք են գործում ՀՀ-ում: Սևանը պատմեց նաև տուրիզմի տեսակների, տուրիզմի տարատեսակների և տուրիզմի տեսակների մասին:

Հետո սեմինարի մասնակիցներին տրվեց խմբային աշխատանք, որի ժամանակ բոլորը շատ ոգևորված և ակտիվ էին, քանի որ թեման հետաքրքրաշարժ էր բոլորի համար:

### *«Առողջության իրավունք» եռամյա ծրագրի մեկնարկը*

Ուրախ ենք տեղեկացնել, որ «Նոր Սերունդ» Մարդասիրական և «Իրավունքի Կողմ» հասարակական կազմակերպությունները ի դեմս կազմակերպությունների նախագահներ Սերգեյ Գաբրիելյանի և Լիլիթ Մարտիրոսյանի ստորագրեցին համատեղ համագործակցության հուշագիր «Առողջության իրավունք» եռամյա ծրագիրը համատեղ իրականացնելու նպատակով: Ծրագրի հեռահար նպատակն է՝ նպաստել ՄԻԱՎ-ին առնչվող ծառայություններից օգտվող տղամարդկանց հետ սեռական հարաբերություն ունեցող տղամարդկանց /SUS/ և տրանսգենդեր անձանց թվի աճին:



#### *Ծրագրի խնդիրներն են՝*

- Նպաստել տղամարդկանց հետ սեռական հարաբերություն ունեցող տղամարդկանց և տրանսգենդեր անձանց թվի աճին ազգային գործողությունների շրջանակներում որոշումների կայացման գործընթացներում՝ ՄԻԱՎ-ին առնչվող ծառայությունների ոլորտում:
- Աջակցել SUS-ների և տրանսգենդեր անձանց հիմնախնդիրներով զբաղվող կազմակերպությունների կարողությունների զարգացմանը:
- Նպաստել ՄԻԱՎ-ին առնչվող ծառայությունների բարենպաստ պայմանների զարգացմանը՝ SUS-ների և տրանսգենդեր անձանց համար խարանի և խտրականության նվազեցման և իրավունքների պաշտպանության գործողությունների միջոցով:
- Ծրագիրը ֆինանսավորվում է Տղամարդկանց Առողջության Եվրասիական Կոալիցիայի կողմից:

*ERASMUS+ երիտասարդական փոխանակման ծրագրի մասին դասընթաց*



2017 թվականի մարտի 14-ին «Նոր Սերունդ» Մարդասիրական ՀԿ-ի գրասենյակում տեղի ունեցավ ERASMUS+ երիտասարդական փոխանակման ծրագրի մասին դասընթացը, որն անցկացնում էր Սոֆյա Պիրադյանը:

Դասընթացի սկզբում Ս. Պիրադյանը հարցման միջոցով ճշտեց մասնակիցների տեղեկատվացության մակարդակը վերը նշված ծրագրի մասին, որից հետո ներկայացրեց թե ինչ ծրագիր է ERASMUS+-ը, որն է նրա առաքելությունը և ինչ նպատակներ ունի:

Այնուհետև Ս. Պիրադյանը ներկայացրեց ՀՀ-ում ծրագրի ներկայիս գործող ծրագրերը և տվյալ ծրագրերի ընթացակարգը: Խոսվեց նաև ERASMUS+-ի բյուջեի և ծրագրի թափանցիկության մասին:

*Թալինում անցկացվող «Տղամարդկանց Առողջության Եվրասիական Կոալիցիայի» /ECOM/-ի ենթադրամաշնորհառու կազմակերպությունների հանդիպում*



«Նոր Սերունդ» Մարդասիրական և «Իրավունքի Կողմ» Իրավապաշտպան ՀԿ-ների նախագահներ Սերգեյ Գաբրիելյանը և Լիլիթ Մարտիրոսյանը 2017 թ.-ի մարտի 14-16-ը մասնակցում են Էստոնիայի մայրաքաղաք Թալինում անցկացվող «Տղամարդկանց Առողջության Եվրասիական Կոալիցիայի» /ECOM/-ի ենթադրամաշնորհառու կազմակերպությունների հանդիպմանը:

Հանդիպման ընթացքում քննարկվեցին հետևյալ հարցերը՝

Կազմակերպությունների կարողությունների զարգացում, Ֆինանսավորման կարգավորման կանոնադրության մշակում, Ռիսկերի և դրանց նվազեցման գնահատում, Առողջության իրավունքի հասանելիությունը և որակը Տրանս\* և SUS անձանց շրջանում:

Հանդիպման ընթացքում ներկայացվել է Հայաստանում SUS-ների մոտավոր թիվը և 2016թ-ի հունվարից մինչև 2017թ.-ի փետրվարի դրությամբ «ՄԻԱԿ-ի և ՋԻԱՀ-ի կանխարգելման ծրագրի» շրջանակներում ծառայություններից օգտվածների գրանցված քանակը:

Խոսվել է հակախտորակության և սեռափոխության օրենքի բացակայության և այն մասին, որ ՀՀ-ում արգելվում է LQPS+ անձանց կատարել արյան փոխներարկում, քանի որ ըստ որոշման LQPS+ անձինք մտնում են այն ռիսկային խմբերի մեջ, ում արգելվում է դառնալ արյան դոնոր:



*«ՄԻԱՎ-ի և ՁԻԱՀ-ի կանխարգելումը, ՄԻԱՎ-ի թեստավորման կարևորությունը», «Մարդու իրավունքներն ու ՄԻԱՎ-ը», «Մարդու իրավունքների հասկացությունը և պաշտպանության մեխանիզմները» թեմաներով դասընթաց*

2017 թվականի մարտի 18-ին «Նոր Սերունդ» Մարդասիրական Հասարակական Կազմակերպությունը «ՄԻԱՎ-ի և ՁԻԱՀ-ի կանխարգելումը և տեղեկացվածության

մակարդակի բարձրացումը SUS-ների շրջանում Շիրակի, Լոռու մարզերում և Երևան քաղաքում» ծրագրի շրջանակներում Երևանում իրականացրեց մեկօրյա սեմինար-վարժանք՝ «ՄԻԱՎ-ի և ՁԻԱՀ-ի կանխարգելումը, ՄԻԱՎ-ի թեստավորման կարևորությունը», «Մարդու իրավունքներն ու ՄԻԱՎ-ը», «Մարդու իրավունքների հասկացությունը և պաշտպանության մեխանիզմները» թեմաներով:

Սեմինարի նպատակն էր նպաստել ՄԻԱՎ-ի և ՁԻԱՀ-ի կանխարգելմանը երիտասարդների շրջանում բարձրացնելով նրանց իրազեկվածության մակարդակը և բացահայտելով թեստավորման կարևորությունը ՄԻԱՎ-ի վերաբերյալ, ինչպես նաև բարձրացնել հասարակության իրազեկվածության մակարդակը մարդու իրավունքների, ինչպես նաև ՄԻԱՎ-ով ապրող մարդկանց իրավունքների մասին:

Ընթացքում մասնակիցները ծանոթացան ՄԻԱՎ և ՁԻԱՀ տերմինների, ՄԻԱՎ-ի և ՁԻԱՀ-ի տարբերության, փոխանցման ուղիների և կենսական հեղուկների, պահպանակների ճիշտ օգտագործման, ՄԻԱՎ-ի վերաբերյալ հետազոտություն անցնելու կարևորության մասին, այնուհետև ներկայացվեցին մարդու իրավունքները և հիմնարար ազատությունները, մարդու իրավունքների զարգացման փուլերը, ՀՀ կողմից վավերացված միջազգային պայմանագրերը, ինչպես նաև անդրադարձ կատարվեց «ՄԻԱՎ-ից առաջացած հիվանդության կանխարգելման մասին» ՀՀ օրենքի դրույթներին:

«Անձի իրավական կարգավիճակը իրավապահ մարմիններում» թեմայի շրջանակներում մասնակիցները ծանոցաթացան իրավապահ մարմինների կատարած խախտումների և տեսական գիտելիքներ ստացան ոստիկանության հետ շփման ու քաղաքացիների իրավունքների խախտումների դեպքերի վերաբերյալ:



Մասնակիցները ստացած տեսական գիտելիքները կարողացան գործնական օրինակների հիման քննարկել խմբային խաղերի ու աշխատանքների, մտքերի փոխանակման և հարց ու պատասխանի միջոցով:

*«Տղամարդկանց Առողջության Եվրասիական Կոալիցիայի» /ECOM/-ի առաջին նորընտիր կառավարման խորհրդի առաջին հանդիպումը:*



2017թ.-ի փետրվարի 19-21-ը Կիևում տեղի ունեցավ «Տղամարդկանց Առողջության Եվրասիական Կոալիցիայի» /ECOM/-ի առաջին նորընտիր կառավարման խորհրդի առաջին հանդիպումը:

Հանդիպումը նախատեսված էր կառավարման խորհրդի տեսլականի մշակման, ECOM-ի 2017-2021թթ. ռազմավարական պլանավորման ծրագրի քննարկման, ինչպես նաև ECOM-ի և նրա քարտուղարությանը վերաբերող մի շարք կարևոր գործնական փաստաթղթերի ընդունման համար: Մանրամասները [այստեղ](#)

*Մարդու իրավունքների, խտրականության և ատելության խոսքի կանխարգելման թեմայով դասընթաց Արտաշատում*



2017 թ.-ի մարտի 23-25-ը Արարատի մարզի Արտաշատ քաղաքում «Նոր Մերունդ» Մարդասիրական ՀԿ-ն անցկացրել է «Մարդու իրավունքներ, հանդուրժողականություն և խտրականության արգելք» թեմայով եռօրյա դասընթացը, որի երեք օրերի ընթացքում համապատասխանաբար մասնակիցներին «Մարդու իրավունքներ», «Խտրականության արգելք» և «Խոսքի ազատություն, ատելության խոսք» թեմաները: Դասընթացը վարում էր «Նոր Մերունդ» Մարդասիրական ՀԿ-ի իրավաբան Հայկ

Հայրապետյանը: Դասընթացին մասնակցում էին ներկայացուցիչներ Արարատի մարզպետարանից, Արտաշատի զբաղվածության տարածքային գործակալությունից, ուսուցիչներ հիմնական և միջնակարգ դպրոցներից և երիտասարդներ հասարակական կազմակերպություններից: Մարտի 23-ին «Մարդու իրավունքներ» թեմայի շրջանակում խոսվել է մարդու իրավունքների համընդհանուր հասկացության և պատմության, մարդու իրավունքների վերաբերյալ միջազգային փաստաթղթերի, ներպետական օրենսդրության, Եվրոպական Միության և Մարդու իրավունքների Եվրոպայի խորհրդի, Մարդու իրավունքների համընդհանուր հռչակագրի, մարդու իրավունքների եվրոպական կոնվենցիայի և մարդու իրավունքների եվրոպական դատարանի մասին: Հաջորդ երկու օրերին համապատասխանաբար ներկայացվել են «Խտրականության արգելք» և «Խոսքի ազատություն և ատելությամբ խոսք» թեմաները, որոնց ժամանակ մասնակիցները քննարկել են խտրականության սահմանումը, տեսակները և պաշտպանված հիմքերը, այն միջազգային և ներպետական իրավական փաստաթղթերը, որոնք վերաբերում են խտրականության արգելքին, մարդու իրավունքների պաշտպանության գործում պետության պոզիտիվ պարտավորությունները, մարդու իրավունքների իրավաչափ սահմանափակումների հիմքերը, վիրավորանքի, զրպարտության և ատելության խոսքի սահմանազատումները: Դասընթացը կազմակերպվել է «Մարդու իրավունքները հանուն բազմազանության և հավասարության» ծրագրի շրջանակներում, որը իրականացվում է Նորվեգիայի Հելսինկյան կոմիտեի ֆինանսական աջակցությամբ:



*Օրվա նպատակն է ուշադրություն սևեռել տրանսզենդեր անձանց ծեռքերումների վրա՝ պայքարելով նրանց դեմ խտրական վերաբերմունքի, ատելության խոսքի, արմատացած սեքսիզմի և տրանսֆոբիայի դեմ:*

*«խտրականությունն ընդդեմ Տրանսզենդեր մարդկանց» Տեսանյութ [ԱՅՍՏԵՂ](#)*